

О'ZBEKISTON RESPUBLIKASI
VAZIRLAR MAHKAMASINING
QARORI



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

«20» август 2018 у.

№ 677

Toshkent sh.

**“Балиқ ишлаб чиқарувчи” эркин иқтисодий зонаси
фаолиятини ташкил этиш чора-тадбирлари тўғрисида**

Ўзбекистон Республикаси Президентининг “Балиқчилик тармоғини жадал ривожлантиришга доир қўшимча чора-тадбирлар тўғрисида”ги 2018 йил 6 апрелдаги ПҚ-3657-сон қарори ижроси юзасидан Вазирлар Маҳкамаси қарор қиласди:

1. Ўзбекистон Республикаси Президентининг “Балиқчилик тармоғини жадал ривожлантиришга доир қўшимча чора-тадбирлар тўғрисида”ги 2018 йил 6 апрелдаги ПҚ-3657-сон қарорига мувофиқ Тошкент вилояти Қуйи Чирчик тумани ҳокимлигига суд қарори билан берилган мол-мулк ва ер участкалари, шу жумладан, сув ҳавзалари негизида “Балиқ ишлаб чиқарувчи” эркин иқтисодий зонаси ташкил этилганлиги маълумот учун қабул қилинсин.

2. Бошқарув ходимларининг умумий сони 5 нафардан иборат бўлган “Балиқ ишлаб чиқарувчи” эркин иқтисодий зонаси дирекцияси давлат унитар корхонаси ташкил этилсин (кейинги ўринларда Дирекция деб юритилади).

Эркин иқтисодий зоналар ва кичик саноат зоналари фаолиятини мувофиқлаштирувчи республика кенгашига, зарурат бўлганда, Дирекциянинг тузилмаси ва ходимлари сонига инвестициялар ҳажми ва лойиҳалар сонидан келиб чиқсан холда ўзгартиришлар киритиш ҳуқуки берилсин.

3. Қуйидагилар:

“Балиқ ишлаб чиқарувчи” эркин иқтисодий зонаси дирекцияси давлат унитар корхонасининг ташкилий тузилмаси 1-иловага мувофиқ;

“Балиқ ишлаб чиқарувчи” эркин иқтисодий зонаси дирекцияси давлат унитар корхонасининг устави 2-иловага мувофиқ;

“Балиқ ишлаб чиқарувчи” эркин иқтисодий зонаси худудига жойлаштириш учун инвестиция лойиҳаларини танлаб олиш ҳамда қатнашчиларни рўйхатдан ўтказиш тартиби тўғрисида низом 3-иловага мувофиқ;

“Балиқ ишлаб чиқарувчи” эркин иқтисодий зонаси таркибидаги 3054,6 гектар ер майдонининг чегара худудлари тавсифи 4-иловага мувофиқ тасдиқлансин.

4. Белгилаб қўйилсинки, “Балиқ ишлаб чиқарувчи” эркин иқтисодий зонаси қатнашчиларига ер участкалари бериш тартиби Вазирлар Маҳкамасининг 2018 йил 16 январдаги 29-сон қарори билан тасдиқланган Эркин иқтисодий зоналар қатнашчиларига ер участкалари бериш тартиби тўғрисида низомга мувофиқ амалга оширилади.

5. Ўзбекистон Республикаси Инвестициялар бўйича давлат қўмитаси Иқтисодиёт вазирлиги ва Молия вазирлиги билан биргаликда ҳар йили келгуси йиллар учун ривожланиш давлат дастурини шакллантиришда белгиланган тартибда уларга “Балиқ ишлаб чиқарувчи” эркин иқтисодий зонасининг муҳандислик-коммуникация, йўл-транспорт ва ишлаб чиқариш инфратузилмасини ривожлантириш бўйича лойиҳалар киритилишини назарда тутсин.

6. Тошкент вилояти ҳокимлиги:

Ўзбекистон Республикаси Инвестициялар бўйича давлат қўмитаси, Қишлоқ хўжалиги вазирлиги, “Ўзбекбалиқсаноат” уюшмаси ҳамда бошқа манфаатдор вазирликлар ва идоралар билан биргаликда икки ой муддатда “Балиқ ишлаб чиқарувчи” эркин иқтисодий зонасида балиқ етиштиришни янада ривожлантириш, инвесторларни жалб этиш ва уларни жойлаштириш “йўл харитаси”ни ишлаб чиқсан ва тасдиқлаш учун Вазирлар Махкамасининг Қишлоқ ва сув хўжалиги, қишлоқ хўжалиги ва озиқ-овқат маҳсулотларини қайта ишлаш масалалари комплексига киритсин;

келгуси йилларда ўзини ўзи молиялаштиришга ўтказиш шарти билан 2018-2020 йиллар давомида Дирекцияга маҳаллий бюджетнинг қўшимча манбалари ҳисобидан асосланган хисоб-китоблар бўйича зарур маблағлар ажратсин;

иккита автотранспорт воситаси, жумладан битта енгил ва битта йўл танламайдиган автомобиль харид қилиш учун зарур маблағлар, шунингдек, уларни сақлаш учун лимит ажратсин;

бир ой муддатда Дирекцияни Тошкент вилояти, Куйи Чирчик тумани, Кўргонча қишлоғи “Балиқчи” маҳалла фуқаролар йиғини худудидаги бинога текин фойдаланиш ҳукуқи асосида жойлаштирилишини таъминласин.

7. Вазирлар Махкамасининг 2018 йил 16 январдаги 29-сон қарори билан тасдиқланган Эркин иқтисодий зоналар худудида жойлаштириш учун инвестиция лойиҳаларини танлаб олиш ҳамда эркин иқтисодий зоналар қатнашчиларини рўйхатдан ўтказиш тартиби тўғрисидаги низомнинг 1-банди қуидаги мазмундаги иккинчи хатбоши билан тўлдирилсин:

“Ушбу Низомнинг амал қилиши балиқчилик йўналишидаги эркин иқтисодий зонаси худудига жойлаштириш учун инвестиция лойиҳаларини танлаб олиш ҳамда қатнашчиларни рўйхатдан ўтказишга нисбатан татбик этилмайди”.

8. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари З.Т. Мирзаев, Ўзбекистон Республикаси Бош вазирининг ўринбосари - Ўзбекистон Республикаси Инвестициялар бўйича давлат қўмитаси раиси С.Р. Холмурадов ва Тошкент вилояти ҳокими Г.И. Ибрагимов зиммасига юклансин.

Ўзбекистон Республикасининг
Бош вазири



А. Арипов

Вазирлар Махкамасининг
2018 йил “20” августдаги 677-сон қарорига
1-илова

**“Балиқ ишлаб чиқарувчи” эркин иқтисодий зонаси дирекцияси
давлат унитар корхонасининг
ташкилий тузилмаси**



Бошқарув ходимларининг умумий сони – 5 нафар.

Вазирлар Маҳкамасининг
2018 йил “20” августдаги 677-сон қарорига
2-илова

**“Балиқ ишлаб чиқарувчи” эркин иқтисодий зонаси дирекцияси
давлат унитар корхонасининг
устави**

1-боб. Умумий қоидалар

1. “Балиқ ишлаб чиқарувчи” эркин иқтисодий зонаси дирекцияси давлат унитар корхонаси (кейинги ўринларда Дирекция деб юритилади) оператив бошқарув хуқуки асосида ўзига берилган давлат мулкида, жумладан сув ҳавзалари негизида давлат унитар корхонаси шаклида ташкил этилган тижорат ташкилоти ҳисобланади.

Дирекция ўзига бириктирилган мулкка нисбатан, қонунда белгиланган доирада, ўз фаолияти мақсадларига, мулкдор (ёки унинг топшириғи билан у томонидан масъул этиб тайинланган давлат органи – муассис) топшириқларига мувофиқ эгалик қилиш, фойдаланиш ва тасарруф этиш хуқуқини амалга оширади.

2. Дирекция ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонларига, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, ушбу Уставга ҳамда бошқа норматив-хуқуқий хужжатларга амал қиласди.

3. Дирекция юридик шахс ҳисобланади, алоҳида мулкка, мустақил балансга, банкларда ҳисоб рақамларига, шу жумладан, валюта ҳисоб рақамларига, эмблемага, штамплар ва бланкаларга, Ўзбекистон Республикаси Давлат герби тасвири туширилган, ўз номи давлат тилида ёзилган мухрга ва бошқа реквизитларга эга бўлади.

Дирекциянинг расмий номи:

а) давлат тилида:

тўлиқ номи – “Baliq ishlab chiqaruvchi erkin iqtisodiy zonasasi direktsiyasi”
Davlat unitar korxonasi;

қисқартирилган номи – “Baliq ishlab chiqaruvchi” EIZ direktsiyasi” DUK;

б) рус тилида:

тўлиқ номи – Государственное унитарное предприятие “Дирекция свободной экономической зоны “Балиқ ишлаб чиқарувчи”;

қисқартирилган номи – ГУП “Дирекция СЭЗ “Балиқ ишлаб чиқарувчи”;

в) инглиз тилида:

тўлиқ номи – “Directorate of free economic zone “Baliq ishlab chiqaruvchi” State Unitary Company;

қисқартирилган номи – “Directorate of FEZ “Baliq ishlab chiqaruvchi” SUC.

4. Дирекциянинг жойлашган жойи (почта манзили): Тошкент вилояти, Қуйи Чирчик тумани, Кўрғонча қишлоғи, “Балиқчи” маҳалла фуқаролар йигини.

5. Ўзбекистон Республикаси Вазирлар Махкамаси Дирекциянинг муассиси (кейинги ўринларда – Муассис) ҳисобланади.

6. Дирекция ўз номидан қонун хужжатларида белгиланган тартибда мулкий ва шахсий номулкий ҳуқуқларни олиши ва амалга ошириши, мажбуриятлар олиши, судда давъогар ва жавобгар бўлиши, низоларни ҳал этишда бошқа органларда вакиллик килиши мумкин.

7. Дирекция Муассиснинг розилигига кўра тижорат ташкилотларининг, шунингдек, Ўзбекистон Республикаси қонун хужжатларига мувофиқ юридик шахсларнинг қатнашишига йўл қўйиладиган нотижорат ташкилотларида қатнашчи (акциядор, аъзо) бўлиши мумкин.

8. Дирекция бошқа давлат корхонасининг муассиси бўлиши мумкин эмас.

2-боб. Дирекциянинг асосий мақсади, вазифалари ва фаолият йўналишлари

9. “Балиқ ишлаб чиқарувчи” эркин иқтисодий зonasини (кейинги ўринларда – “Балиқ ишлаб чиқарувчи” ЭИЗ) ривожлантириш дастурларининг тўлиқ ва ўз вақтида бажарилишини таъминлаш, шунингдек, “Балиқ ишлаб чиқарувчи” ЭИЗ худудида алоҳида ҳуқуқий режимга риоя этилишини таъминлаш йўли билан оператив бошқариш, “Балиқ ишлаб чиқарувчи” ЭИЗ қатнашчиларига хизматлар кўрсатишдан ҳамда ушбу Уставда назарда тутилган бошқа ишлар (хизматлар)ни бажаришдан (кўрсатишдан) фойда олиш Дирекция фаолиятининг асосий мақсади ҳисобланади.

10. Қуйидагилар Дирекциянинг асосий вазифалари ва фаолият йўналишлари ҳисобланади:

юқори маҳсулдорликка эга балиқ турларининг ота-она тўдаларини шакллантириш, парваришилаш учун инновацион технологияларини жорий этиш ва наслчилик хўялигини ташкил этиш;

“Балиқ ишлаб чиқарувчи” ЭИЗ қатнашчиларига балиқ чавоқлари етказиб бериш мақсадида замонавий инкубация цехи фаолиятини йўлга қўйиш;

мавжуд сув ҳавзаларини модернизация қилиш ва қайта таъмирлашни ташкил этиш;

балиқчилик хўяликлари учун оқсилга бой озуқа-ем ишлаб чиқариш бўйича замонавий қувватларни ишга тушириш ҳисобига озуқа базасини мустаҳкамлаш;

балиқ этиштириш бўйича инновацион ва интенсив технологияларни йўлга қўйиш, шу жумладан, ёпиқ сув айланма тизимида, кичик сув ҳовузларида балиқ этиштириш ҳамда сунъий сув ҳавзалари ҳосилдорлигини ошириш ҳисобига балиқ овлаш ҳажмларини кўпайтиришни ташкил этиш;

аҳоли истеъмоли учун қайта ишланган балиқ маҳсулотларини ишлаб чиқариш ва экспортга йўналтириш бўйича халқаро талабларга мос замонавий ишлаб чиқариш қувватларини йўлга қўйиш;

сувнинг гидрокимёвий таркибини таҳлил этиш, балиқларни касалликлардан химоя қилиш ва даволаш учун замонавий лаборатория фаолиятини ташкил этиш;

балиқ этиштиришда инновацион ғоялар ва интенсив технологияларни жорий этишда илмий-тадқиқот ишларини, шунингдек, таълим муассасалари талabalари учун балиқчилик тармоғида амалиёт ўташни ташкиллаштириш;

“Балиқ ишлаб чиқарувчи” ЭИЗ қатнашчиларини рўйхатдан ўтказиш ва уларнинг реестрини юритиш, уларга тегишли гувоҳномалар бериш;

белгиланган тартибда танланган инвесторлар билан “Балиқ ишлаб чиқарувчи” ЭИЗнинг Тошкент вилояти Эркин иқтисодий зоналар ва кичик саноат зонаси Маъмурий кенгаши (кейинги ўринларда – Маъмурий кенгаш) қарорларига мувофиқ “Балиқ ишлаб чиқарувчи” ЭИЗ худудида инвестициялар киритиш тўғрисида шартномалар тузиш;

белгиланган тартибда танланган инвесторлар томонидан ўз зиммасига қабул қилган мажбуриятларнинг зарур даражада бажарилишини назорат қилиш, кейинчалик унинг натижаларини Маъмурий кенгашга тақдим этиш;

“Балиқ ишлаб чиқарувчи” ЭИЗ худудида инвестиция лойихаларини амалга ошириш учун хорижий ва маҳаллий инвесторларни қидириш ва жалб этиш;

ишлаб чиқилган “Балиқ ишлаб чиқарувчи” ЭИЗ бош режаси ва Маъмурий кенгаш карори билан маъкулланган инвестиция лойихаларини жойлаштириш;

“Балиқ ишлаб чиқарувчи” ЭИЗ худудида жойлашган давлат мулки бўлган кўчмас мулк объектларини Дирекцияга берилган ваколатлар доирасида бошқариш;

“Балиқ ишлаб чиқарувчи” ЭИЗ қатнашчилариiga инвестиция лойихаларини ўз вақтида амалга ошириш, ташкилотларни ишга тушириш ва уларнинг фаолияти учун зарур бўлган инфратузилма (электр энергияси, газ ва сув таъминоти, канализация, кириш йўллари ва бошқалар) билан таъминлаш масалаларни ҳал этишда кўмаклашиш;

“Балиқ ишлаб чиқарувчи” ЭИЗ қатнашчилариiga, шу жумладан давлат органларида уларнинг манфаатларини ифодалаш йўли билан хизматлар кўрсатиш;

Маъмурий кенгаш ваколатларига кирувчи масалалар бўйича унинг мажлисларида кўриб чиқиши учун маълумотлар тайёрлаш.

“Балиқ ишлаб чиқарувчи” ЭИЗ қонун хужжатларига мувофиқ бошқа вазифаларни ҳам амалга ошириши мумкин.

Ўзбекистон Республикаси қонун хужжатларида ушбу Уставда назарда тутилган тегишли фаолият турининг лицензияланиши зарурлиги белгиланган тақдирда, Дирекция фаолиятнинг ушбу турини лицензия олмасдан, тегишли лицензияловчи орган билан тузилган лицензия битими асосида амалга оширишга ҳақлидир.

11. Дирекция Ўзбекистон Республикаси қонун хужжатларида тақиқланмаган фаолиятнинг бошқа турларини ҳам амалга ошириши мумкин.

3-боб. Дирекция фаолиятини бошқариш

12. Дирекция Муассисга, Эркин иқтисодий зоналар ва кичик саноат зоналари фаолиятини мувофиқлаштирувчи республика кенгашига (кейинги ўринларда – Республика кенгаши) ва Маъмурий кенгашга ҳисобот беради.

13. Муассис қуйидаги ҳуқукларга эга:

Дирекция фаолиятининг мақсади ва йўналишларини белгилаш;

Дирекция Уставига ўзгартириш ва қўшимчалар киритиш тўғрисида қарорлар қабул қилиш;

Дирекциянинг ортиқча, фойдаланилмаётган ёхуд белгиланган мақсадда фойдаланилмаётган мулкини олиб қўйиш ва тасарруф этиш;

Дирекцияга берилган мулқдан фойдаланишдан олинган соф фойданинг бир кисмини ёки ҳаммасини олиш;

Дирекция мулки билан амалга оширилган битимларни ҳаққоний эмас деб эътироф этиш тўғрисида судга даъво аризаси билан мурожаат қилиш;

Дирекцияга етказилган заарларни қоплаш түгрисида даъво тақдим этиш;

Дирекцияни қайта ташкил этиш ёки тугатиш түгрисида қарор қабул қилиш, тугатиш комиссиясини тайинлаш ва тугатиш балансини тасдиқлаш;

мехнатга оид қонун хужжатларида белгиланган тартибда Дирекция раҳбари билан меҳнат шартномасини муддатидан олдин тугатиш.

Муассис қонун хужжатларига мувофиқ бошқа ҳуқуқларга ҳам эга бўлиши мумкин.

14. Республика кенгashi қуйидаги ҳуқуқларга эга:

Дирекциянинг “Балик ишлаб чиқарувчи” ЭИЗни ривожлантириш бўйича фаолияти стратегик вазифалари ва йўналишларини белгилаш;

Дирекциянинг молия-хўжалик фаолиятини ҳар чоракда ўрганишни ташкил қилиш; ҳар чоракда Дирекция фаолияти ҳақидаги ҳисботни эшлиши;

Дирекциянинг штатлар жадвали ва харажатлар сметасини тасдиқлаш.

Республика кенгashi қонун хужжатларига мувофиқ бошқа ҳуқуқларга ҳам эга бўлиши мумкин.

15. Маъмурий кенгаш қуйидаги ҳуқуқларга эга:

Дирекция фаолиятига раҳбарликни амалга ошириш;

Дирекция фаолиятини назорат қилиш;

Дирекция директори лавозимиға номзодларни тасдиқлаш учун Республика кенгашига киритиш;

Дирекция мутахассисларини танлаб олиш;

Дирекциянинг штат жадваллари ва харажатлар сметасини келишиш;

Дирекция фаолиятини режали ташкиллаштириш, Дирекциянинг чораклик иш режаларини тасдиқлаш ва унинг бажарилиши юзасидан назоратни таъминлаш;

“Балик ишлаб чиқарувчи” ЭИЗнинг мустақил бюджетидан мақсадли фойдаланилиши юзасидан назоратни амалга ошириш.

Маъмурий кенгаш қонун хужжатларига мувофиқ бошқа ҳуқуқларга эга бўлиши мумкин.

Маъмурий кенгаш ўзига юклangan вазифаларни бажариш учун Дирекция фаолиятига тааллуқли бўлган хужжатларни талаб қилиб олиш ҳуқуқига эга. Олинган хужжатлардан Маъмурий кенгаш томонидан факат хизмат мақсадларида фойдаланилади.

16. Дирекцияни “Ўзбекбалиқсаноат” уюшмаси раиси томонидан, Муассис билан келишилган ҳолда лавозимга тайинланадиган ва лавозимдан озод этиладиган директор бошқаради.

17. Директор:

қонун хужжатлари талабларини бажаришга, Дирекция ходимларининг меҳнат шароитларини муҳофаза қилиш ва яхшилашга, атроф муҳитни муҳофаза қилиш ва табиий ресурслардан оқилона фойдаланиш соҳасидаги норма ва қоидаларга риоя этилишини таъминлашга йўналтирилган тадбирларни ишлаб чиқади ва жорий этади;

“Балик ишлаб чиқарувчи” ЭИЗни ривожлантириш дастурлари амалга оширилишини ташкил этади;

Дирекциянинг асосий фаолиятини такомиллаштиришга, бошқаришнинг энг замонавий усулларини жорий этишга йўналтирилган чора-тадбирларни амалга оширади;

Дирекция номидан ишончномасиз харакат қиласи, барча ташкилотларда, шу жумладан хорижий ташкилотларда унинг манфаатларини ифодалайди;

ходимларни ишга қабул қиласи, улар билан меҳнат шартномалари (контрактлар) тузади ҳамда уларни ўзгариради ва бекор қиласи;

қонун хужжатларида белгиланган тартибда ишончномалар беради;

кадрларни тайёрлаш ва уларнинг малакасини ошириш бўйича чора-тадбирларни амалга оширади;

Дирекциянинг барча ходимлари учун мажбурий бўлган буйруқлар, фармойишлар ва кўрсатмалар қабул қиласи;

Дирекциянинг ички иш тартибини ва хўжалик фаолиятини тартибга солувчи хужжатларни тасдиқлайди;

Дирекция томонидан қонун хужжатларига риоя қилинишини таъминлайди;

Дирекцияга юкланган вазифаларни амалга ошириш учун зарур бўлган бошқа функцияларни амалга оширади.

18. Директор:

Муассис, Республика кенгаси ва Маъмурий кенгаш олдида Дирекция фаолияти тўғрисида белгиланган тартибда ҳисбот беради;

Дирекциянинг Ўзбекистон Республикаси Молия вазирлиги билан келишган ҳолда Маъмурий кенгаш томонидан тасдиқланадиган мустақил бюджет маблағларининг тасарруф этувчиси ҳисобланади;

Дирекциянинг мустақил бюджети ижроси тўғрисидаги ҳисботни белгиланган тартибда Ўзбекистон Республикаси Молия вазирлигига тақдим этади.

19. Директор ўз зиммасига юкланган вазифаларнинг бажарилиши, шунингдек, Дирекцияга берилган давлат мулкининг сақланиши ва ундан мақсадли фойдаланилиши юзасидан қонун хужжатларида белгиланган тартибда жавоб беради.

4-боб. Дирекциянинг устав фонди

20. Дирекциянинг устав фонди “Балик ишлаб чиқарувчи” ЭИЗ фаолиятини оператив бошқариш учун Муассис томонидан ўзига берилган маблағлар, мол-мулк ва бошқа активлар йиғиндисидан иборат.

21. Дирекция устав фондининг миқдори 1 млрд. сўмни ташкил этади.

5-боб. Дирекция мулкини тасарруф этиш

22. Муассис томонидан Дирекцияга оператив бошқариш хукуқи асосида берилган асосий фондлар ва айланма маблағлар Дирекция мол-мулкини ташкил этади.

23. Дирекциянинг асосий фондлари ва айланма маблағлари бўлинмайди ва улушлар (хиссалар, пайлар) бўйича тақсимланиши мумкин эмас.

24. Республика кенгаси Дирекцияга берилган давлат мулкидан белгиланган мақсадда фойдаланилишини ва унинг сақланишини, шунингдек, ўзгага берилишини Муассис номидан назорат қиласи.

25. Директор Муассис билан келишган ҳолда Дирекция мулкини қўйидаги ҳолатларда тасарруф этиши мумкин:

асосий воситаларни сотиш, уларни ижарага ёки гаровга бериш;

мол-мулкни бошқа хўжалик жамиятининг устав фондига улуш сифатида киритиш;

бошқа хўжалик жамиятларининг акциялари (улушлари)ни сотиб олиш ва сотиш;

Дирекция фаолияти мақсадларига мувофиқ бўлмаган мол-мулкни бошқача тарзда тасарруф этиш.

6-боб. Дирекция фаолиятини молиялаштириш манбалари

26. Қуйидагилар Дирекция фаолиятини молиялаштириш манбалари хисобланади:

давлат мулки бўлган ва “Балиқ ишлаб чиқарувчи” ЭИЗ худудида жойлашган бинолар ва иншоотларни ижарага беришдан олинган даромадларининг бир қисми;

хизматлар кўрсатишдан олинган даромадлар;

Республика кенгаши томонидан белгиланган миқдорда “Балиқ ишлаб чиқарувчи” ЭИЗ қатнашчиларининг ажратмалари ва ЭИЗ қатнашчилари сифатида рўйхатдан ўтиш учун тўловлари;

Ўзбекистон Республикасининг ривожланиш давлат дастурларида маблағлари; қонун хужжатларида тақиқланмаган бошқа манбалар.

7-боб. Захира ва бошқа фондларни шакллантириш тартиби

27. Дирекция ўз тасарруфида қоладиган соф фойда хисобига захира фондини, шунингдек, бошқа фондларни ташкил этиши мумкин, уларнинг миқдори, шакллантириш ва фойдаланиш тартиби Муассис томонидан тасдиқланади.

8-боб. Ҳисоботларни тақдим этиш тартиби

28. Дирекция ҳисобот даври тугагач ваколатли органларга молия ҳисоботини ва рўйхати қонун хужжатларида белгиланган бошқа хужжатларни тақдим этади ҳамда хужжатларнинг сақланиши ва уларнинг давлат томонидан сақлашга берилиши юзасидан белгиланган тартибда жавоб беради.

29. Дирекция фаолиятини назорат қилиш, қонун хужжатларида белгиланган тартибда Республика кенгаши томонидан амалга оширилади.

30. Директор Дирекция фаолияти натижалари, маъқулланган инвестиция лойиҳалари ва тасдиқланган ривожланиш дастурларини амалга оширилиши тўғрисида ҳар чоракда Республика кенгашига ҳисобот тақдим этади.

9-боб. Дирекциянинг жавобгарлиги

31. Дирекция ўз мажбуриятлари бўйича ўзига тегишли мулк билан жавоб беради. Муассис Дирекциянинг мулки етарли бўлмаган тақдирда унинг мажбуриятлари бўйича субсидиар жавобгарликни амалга оширади.

32. Дирекция Муассис мажбуриятлари бўйича жавоб бермайди.

10-боб. Дирекцияни тугатиши ва қайта ташкил этиши

33. Дирекция Муассиснинг қарорига кўра, қонун хужжатларида белгиланган тартибда ёки суд қарорига биноан тугатилиши ёки қайта ташкил этилиши мумкин.

34. Дирекция тугатилганда унинг хукук ва мажбуриятлари хукукий ворислик тартибida бошқа шахсларга ўтмайди. Дирекция қайта ташкил этилган тақдирда унинг хукуки ва мажбуриятлари хукукий ворисга ўтади.

Вазирлар Махкамасининг
2018 йил “20” августдаги 677-сон қарорига
3-илова

**“Балиқ ишлаб чиқарувчи” эркин иқтисодий зонаси худудига жойлаштириш
учун инвестиция лойиҳаларини танлаб олиш ҳамда қатнашчиларни рўйхатдан
ўтказиш тартиби тўғрисида
низом**

1-боб. Умумий қоидалар

1. Ушбу Низом “Балиқ ишлаб чиқарувчи” эркин иқтисодий зонаси (кейинги ўринларда “Балиқ ишлаб чиқарувчи” ЭИЗ деб юритилади) худудига жойлаштириш учун инвестиция лойиҳаларини танлаб олиш ҳамда “Балиқ ишлаб чиқарувчи” ЭИЗ қатнашчиларини рўйхатдан ўтказиш тартибини белгилайди.

2. “Балиқ ишлаб чиқарувчи” ЭИЗ худудига жойлаштириш учун инвестиция лойиҳаларини танлаб олиш бўйича ташкилий масалаларни ҳал этиш Тошкент вилояти эркин иқтисодий зоналар ва кичик саноат зоналари маъмурий кенгashi (кейинги ўринларда – Маъмурий кенгаш) ва “Балиқ ишлаб чиқарувчи” ЭИЗ дирекциясига (кейинги ўринларда – Дирекция) юкландади.

3. Маъмурий кенгашнинг “Балиқ ишлаб чиқарувчи” ЭИЗ худудига эквиваленти 5,0 млн. АҚШ долларидан юқори қийматли инвестиция лойиҳасини жойлаштириш бўйича қарори эркин иқтисодий зоналар ва кичик саноат зоналари маъмурий кенгашларининг фаолиятини мувофиқлаштириш бўйича Республика кенгashi (кейинги ўринларда – Республика кенгashi) қарорига мувофиқ амалга оширилади.

4. Қуйидагилар “Балиқ ишлаб чиқарувчи” ЭИЗ инвестиция лойиҳаларини жойлаштиришнинг асосий устувор мезонлари ҳисобланади:

ижараага бериладиган умумий сув ҳавза майдонининг камидаги 10 фоиз қисмидаги интенсив усулда балиқ етиштириш ва ҳар бир гектар ҳавзадан 8 тоннадан кам бўлмаган ҳосилдорликка эришиш;

ёпиқ сув айланма тизими иншооти (УЗВ) куриш ва ҳар бир гектаридан камидаги 300 тонна балиқ етиштириш;

сув тармоғи дренаж тизимларининг яхлитлигини сақлаб қолиш ва умумий фойдаланишда бўлишини таъминлаш;

юқори маҳсулдор наслли она балиқ тўдаларини шакллантириш;

ташкилотнинг эҳтиёжи учун талаб этиладиган юқори оқсилга бой озука базасини шакллантириш.

**2-боб. Инвестиция лойиҳаларини танлаб олиш учун “Балиқ ишлаб чиқарувчи”
эркин иқтисодий зонаси дирекциясига ҳужжатларни топшириш тартиби**

5. “Балиқишлиб чиқарувчи” эркин иқтисодий зонаси худудига жойлаштириш учун инвестиция лойиҳаларини танлаб олиш ҳамда қатнашчиларни рўйхатдан ўтказиш ушбу Низомнинг 1-иловасидаги схемага мувофиқ амалга оширилади.

6. Инвестор Дирекцияга ушбу Низомнинг 2-иловасидаги шаклга мувофиқ “Балиқишлиб чиқарувчи” эркин иқтисодий зонаси худудида инвестиция лойиҳасини жойлаштириш учун тўлдирилган инвестиция буюртманомасини (кейинги ўринларда – Инвестиция буюртманомаси) тақдим этади.

Инвестиция буюртманомасига қуидагилар илова қилинади:

а) юридик шахснинг (инвесторнинг) давлат рўйхатидан ўтказилганлиги тўғрисида гувоҳнома нусхаси;

б) тавсия қилинаётган инвестиция лойиҳасининг бизнес-режаси;

в) инвесторнинг тегишли соҳадаги ва (ёки) шунга ўхшаш лойиҳаларни амалга оширишдаги иш тажрибаси мавжудлигини тасдиқловчи маълумот. Агар инвесторнинг тегишли соҳада ва (ёки) ўхшаш инвестиция лойиҳасини амалга ошириш бўйича иш тажрибаси мавжуд бўлмаса, инвестор Дирекцияга инвестиция лойиҳасини амалга оширишга жалб этаётган технологик ҳамкорлари тўғрисидаги маълумотни тақдимэтади;

д) инвесторнинг охирги уч йилдаги молия-хўжалик фаолияти тўғрисида маълумот.

Агарда инвестиция буюртманомасини топшириш вақтида инвестор:

молия-хўжалик фаолиятини юритмаган ёки бир йилдан кам юритган бўлса, инвестор Дирекцияга инвесторнинг биттадан кам бўлмаган муассисининг молия-хўжалик фаолияти тўғрисидаги маълумотларни тақдим этади;

1 йилдан 3 йилгача хўжалик фаолиятини юритаётган бўлса, инвестор Дирекцияга ўзининг ҳақиқатда фаолият юритган даври учун молия-хўжалик фаолияти тўғрисидаги маълумотни тақдим этади.

Хужжатлар инвестор томонидан Дирекцияга давлат ёки рус тилида тақдим этилиши мумкин. Инвестор тақдим этилаётган маълумотлар ва хужжатларнинг тўғрилиги юзасидан жавоб беради.

7. Дирекцияга тақдим этилаётган бизнес-режада қуидагилар акс эттирилган бўлиши керак:

ишга қабул қилинадиган ходимлар тоифаси (коллеж битиравчилари, меҳнат биржаси томонидан йўналтирилган шахслар, бошқа ташкилотлар ишчилари ва чет элдан мутахассис жалб этиш) ҳамда ташкил этилаётган иш ўринлари сони;

етиштириладиган ва қайта ишланадиган балиқ ва балиқ маҳсулоти, ҳажми ва табиий хусусияти;

маҳсулотнинг мўлжалланаётган сотиш баҳоси ҳамда маҳсулотни ички ва ташки бозорга етказиб бериш ҳажмларини кўрсатган ҳолда;

маҳсулот сотиш бўйича ички ва ташки бозорлар маркетинг тадқиқотлари;

таклиф этилаётган лойиҳани амалга ошириш ҳамда ишлаб чиқаришнинг барқарор фаолият юритиши учун зарур бўлган инфратузилма ва муҳандислик иншоотлари (электрэнергияси, табиий газ, ичимлик ва техник сув, канализация, автойўл) ҳажми;

ишлаб чиқариш ва сув ҳавзаларини оқилона жойлаштириш учун ижарага олиш режалаштирилган ер участкаси ва сув ҳавзаси ўлчамлари;

асосий ишлаб чиқариш цехи, ускуна ва технологик линиялар, маъмурий-маиший, омбор ва бошқа ёрдамчи биноларнинг жойлашуви кўрсатилган дастлабки чизмаси;

ишлаб чиқариш технологиясининг (экологик талаблар ҳисобга олинган ҳолда) технологик ускуналар, ишлаб чиқарувчилар, етказиб берувчилар ва давлатлари рўйхати кўрсатилган тавсифи;

ишлаб чиқаришда фойдаланилиши мўлжалланаётган технологик асбоб-ускуналарнинг хусусияти, уларнинг замонавий технологик талабларга мувофиқлиги, инвестиция лойиҳасида халқаро стандартларга мувофиқ бўлган менежмент тизимининг жорий этилиши;

мўлжалланаётган инвестицияларнинг хажми, тури ва муддатлари, молиялаштириш манбалари ва кредит жалб этилган тақдирда мўлжалланаётган таъминот тури;

инвестиция лойихаси амалга оширилишининг иқтисодий самарадорлиги кўрсаткичлари ва молиявий-иктисодий ҳисоб-китоблар.

3-боб. Инвестиция буюртманомасини кўриб чиқиши тартиби

8. Дирекция тақдим этилган ҳужжатларни ушбу Низомнинг 6 ва 7-бандларида назарда тутилган талабларга мувофиқлиги юзасидан икки иш кунида ўрганиб чиқади.

9. Ушбу Низомнинг 6 ва 7-бандлари талаблари бузилган ҳолда тақдим этилган инвестиция буюртманомаси, камчиликлари кўрсатилган ҳолда, инвесторга қайтарилади.

10. Инвестор томонидан ушбу Низомнинг 6 ва 7-бандлари талабларига мувофиқ тақдим этилган инвестиция буюртманомаси ва унга илова қилинган ҳужжатлар Дирекция томонидан Маъмурий кенгашга юборилади. Бунда, инвестиция буюртманомасига ушбу Низомнинг 6 ва 7-бандлари талабларига мувофиқлиги юзасидан Дирекция директори томонидан имзоланган тегишли хулоса илова қилинади.

11. “Балиқ ишлаб чиқарувчи” ЭИЗ худудига жойлаштириш учун инвестиция лойихасини танлаб олиш тўғрисида қарор қабул қилишда Маъмурий кенгаш қўйидагиларни кўриб чиқади:

инвестиция лойихасининг ушбу Низомнинг 4-бандида келтирилган устувор мезонларга мувофиқлиги;

балиқ ва балиқ маҳсулотлари ишлаб чиқариш бўйича технологик занжирнинг босқичма-босқич ташкил этилиши;

муассисларининг ўз маблағлари ва улар томонидан жалб этилган кредитлар ҳисобига инвестицияларни амалга ошириши;

инвесторнинг молиявий барқарорлиги, техник ва технологик базага эгалиги;

ложиханинг умумий иқтисодий самарадорлиги ва уни амалга оширишнинг мақсадга мувофиқлиги (ишлаб чиқариш қувватларининг мақбул жойлаштирилиши, ташкил этиладиган иш ўринлари, тармоқдаги таркибий қайта ўзгартиришларга таъсири, ишлаётган қувватлардан фойдаланиши, зарур хомашё, материаллар ва инфратузилманинг мавжудлиги);

технологик ускуналарнинг замонавийлиги, инвестиция лойихасида халқаро стандартларга мувофиқ бўлган бошқариш тизимининг мавжудлиги;

инвестиция лойихасини амалга ошириш учун зарур маблағ билан таъминланганлиги.

Инвестиция буюртманомасини кўриб чиқишида “Балиқ ишлаб чиқарувчи” ЭИЗ худудида:

инновацион ва замонавий интенсив технологияларни кенг жорий қилиш, шу жумладан, ёпиқ сув айланма тизими қурилмаларида ҳамда кичик сув ҳавзаларида балиқ етиштириш ва сунъий сув ҳавзалари ҳосилдорлигини ошириш ҳисобига балиқ овлаш ҳажмларини кўпайтириш;

юқори маҳсулдорликка эга балиқ турларининг ота-она тўдаларини шакллантириш, уларни парваришишнинг инновацион технологияларини жорий этиш;

товар балиқ ва репродуктор сув ҳавзаларини модернизация қилиш ва қайта таъмирлаш;

тўла қийматли ва юқори оқсилли (экструдирланган) озуқаларни ишлаб чиқариш бўйича замонавий қувватларни яратиш;

балиқларни қайта ишлаш ва балиқ маҳсулотларини (консерва, икра, балиқ уни ва бошқаларни) ишлаб чиқаришнинг халқаро талабларга мос замонавий комплексини, экспортга мўлжалланган, ишлаб чиқаришнинг тўлиқ цикли таъминланишини назарда тутадиган, шунингдек, ходим сифатида Ўзбекистон Республикаси фуқароларини ишга жалб этувчи лойиҳаларга устунлик берилади.

12. Маъмурий кенгаш инвестиция буюртманомасини Дирекция томонидан киритган кундан бошлаб беш иш кунида кўриб чиқади ва қуидаги мазмундаги қарорлардан бирини қабул қиласди:

инвесторга “Балиқ ишлаб чиқарувчи” ЭИЗ қатнашчиси мақомини бериш, сунъий сув ҳавзаси, ер участкаси, бино, иншоотлар, ишлаб чиқариш қувватларини ажратиб бериш, уларнинг умумий майдони ва жойлашган жойини кўрсатган ҳолда “Балиқ ишлаб чиқарувчи” ЭИЗ худудида инвестиция лойиҳасини жойлаштириш тўғрисида;

камчиликларни кўрсатган ҳолда тақдим этилган хужжатларни такомиллаштириш зарурлиги тўғрисида;

“Балиқ ишлаб чиқарувчи” ЭИЗ худудида инвестиция лойиҳасини амалга оширишнинг мақсадга мувофиқ эмаслиги тўғрисида.

Инвестиция буюртманомасини кўриб чиқишида Маъмурий кенгаш томонидан инвесторнинг ўзи тўғрисида нотўғри маълумотлар тақдим этганлиги аниқланса, мазкур буюртманомани кўриб чиқиши тўхтатилади ва холоса билан Дирекцияга юборилади.

13. Инвестиция буюртманомалари Дирекцияга электрон тарзда тақдим этилиши мумкин.

14. Инвестор томонидан тақдим этилган маълумотларнинг ошкор қилинишига йўл қўйилмайди.

15. Маъмурий кенгаш кўриб чиқиши натижасида аниқланган камчиликлар асосида такомиллаштирилган инвестиция буюртманомаси тақороран Дирекцияга кўриб чиқиши учун киритилиши мумкин.

Инвестиция буюртманомасини Дирекция томонидан тақороран кўриб чиқиши муддати уч иш кунини ташкил этади.

16. Маъмурий кенгашнинг инвестиция буюртманомасини кўриб чиқиши натижаси бўйича қарори унинг аъзолари томонидан оддий кўпчилик овози билан қабул қилинади ва Маъмурий кенгаш йиғилиши баёни билан расмийлаштирилади ҳамда Дирекция ва инвестор (инвесторлар) ўртасида “Балиқ ишлаб чиқарувчи” ЭИЗ худудига инвестициялар киритиш тўғрисида шартнома (кейинги ўринларда инвестиция киритиш тўғрисида –шартнома) тузиш учун асос бўлади.

17. Маъмурий кенгаш йиғилишининг баёни Дирекция директори, Маъмурий кенгаш аъзолари томонидан имзоланади ва Маъмурий кенгаш раиси томонидан тасдиқланади.

18. Маъмурий кенгаш мажлиси баёнидан кўчирма у тасдиқланган кундан эътиборан бир иш куни мобайнида Дирекция томонидан инвесторга ёки унинг ваколатли шахсига юборилади.

4-боб. Инвестиция лойиҳаларини жойлаштириш бўйича Маъмурий кенгашнинг қарорларини Республика кенгаши билан келишиш тартиби

19. Маъмурий кенгашнинг қиймати эквивалентда 5,0 млн АҚШ долларидан юқори бўлган инвестиция лойиҳаларини кўриб чиқиши натижаси бўйича ижобий қарори, у тасдиқланган санадан бошлаб икки иш куни ичида келишиш учун Республика кенгашига, инвестиция буюртманомаси ва лойиҳа бизнес-режаси билан бирга юборилади.

20. Республика кенгаши Маъмурий кенгашнинг қарорини олган кундан бошлаб етти иш куни ичида Республика кенгаши йиғилишида кўриб чиқади. Инвестиция лойиҳасини келишиш Республика кенгаши аъзоларининг ҳамда манфаатдор вазирлик ва идорларнинг кўйидаги хулосаларини инобатга олган ҳолда амалга оширилади:

Ўзбекистон Республикаси Иқтисодиёт вазирлиги – худудни, саноат ва балиқчилик тармоғини ривожлантириш дастурларидан келиб чиқиб, лойиҳа амалга оширилишининг мақсадга мувофиқлиги қисми бўйича, қайта ишлаб чиқаришни зарур ҳомашё ресурслари билан таъминланганлиги, валюта қопланувчанлиги ва ташкил этилаётган иш ўринлари белгиланган кўрсаткичларига мувофиқлиги қисми бўйича;

Ўзбекистон Республикаси Инвестициялар бўйича давлат қўмитаси – янгидан барпо этилаётган ишлаб чиқаришларни замонавий ускуналар ва технологиялар билан жиҳозлаш, инвесторларнинг салоҳияти ҳамда лойиҳани амалга ошириш учун молиявий ва технологик имкониятларнинг етарлилиги қисми бўйича;

Ўзбекистон Республикаси Қишлоқ хўжалиги вазирлиги – балиқчилик тармоқларини ривожлантириш дастурларидан келиб чиқиб лойиҳаларни амалга оширилишининг мақсадга мувофиқлиги қисми бўйича;

“Ўзбекбалиқсаноат” уюшмаси – балиқчилик тармоқларини ривожлантириш дастурларидан келиб чиқиб лойиҳаларни амалга оширилишининг мақсадга мувофиқлиги, ҳавза хосилдорлиги, интенсив усулда балиқ етиштириш, ёпиқ сув айланма тизимини (УЗВ) жорий этишда замонавий инновацион технологияларни қўллаш, инкубация цехларида личинка ишлаб чиқариш, балиқлар учун юқори оқсилга бой омухта емнингхорижий етакчи ишлаб чиқарувчиларга мослиги қисми бўйича;

тегишли тижорат банклари – лойиҳани биргаликда молиялаштириш учун кредит ажратиш қисми бўйича.

21. Инвестиция лойиҳалари бўйича ушбу Низомнинг 20-бандида кўрсатилган хулосалар ваколатли ташкилотлар томонидан уларга лойиҳанинг инвестиция буюртманомаси ва бизнес-режаси келиб тушган кундан бошлаб беш иш куни ичида Ўзбекистон Республикаси Иқтисодиёт вазирлигига умумлаштириш ва Республика кенгаши йиғилишининг баёни лойиҳасини тайёрлаш учун юборилади.

22. Республика кенгаши “Балиқ ишлаб чиқарувчи” ЭИЗ худудида инвестиция лойиҳасини жойлаштириш бўйича Маъмурий кенгаш қарорини келишиш бўйича йиғилиш баёни лойиҳасини аввал ижобий хулоса тақдим этган Республика кенгаши аъзолари билан келишиш талаб этилмайди.

5-боб. Инвестиция киритиш тўғрисида шартнома тузиш ва “Балиқ ишлаб чиқарувчи” ЭИЗ қатнашчиларини рўйхатдан ўтказиш тартиби

23. Инвестиция киритиш тўғрисида шартнома лойиҳаси давлат, инглиз ва рус тилларида Дирекциянинг расмий веб саҳифасида жойлаштирилади ёки Маъмурий кенгашнинг инвестор томонидан кўриб чиқиши учун киритган инвестиция буюртманомасини маъкуллаш бўйича йиғилишининг баёни тасдиқлангандан кейин бир иш куни ичида Дирекция томонидан инвесторга тақдим этилади.

24. Инвестиция киритиш тўғрисида шартнома қоидаларини келишиш мақсадида Дирекция ва инвесторлар ўртасида музокаралар ўтказилиши мумкин.

25. Инвестиция киритиш тўғрисидаги шартнома “Балиқ ишлаб чиқарувчи” ЭИЗнинг фаолият кўрсатиш муддатидан ошмайдиган муддатга тузилади.

26. Инвестор ва Дирекция ўртасидаги инвестиция киритиш тўғрисида тарафлар томонидан имзоланган шартнома инвестор томонидан ташкил этиладиган тадбиркорлик субъекти “Балиқ ишлаб чиқарувчи” ЭИЗ қатнашчиси сифатида рўйхатдан ўтказилган санадан бошлаб кучга киради.

27. Инвестиция киритиш тўғрисидаги шартноманинг амал қилиши:

инвестиция киритиш тўғрисидаги шартнома тузилган муддат тамом бўлгач;

тадбиркорлик субъекти “Балиқ ишлаб чиқарувчи” ЭИЗ қатнашчиси мақомидан маҳрум этилганда;

“Балиқ ишлаб чиқарувчи” ЭИЗ муддатидан олдин тугатилганда;

Ўзбекистон Республикаси қонун хужжатларида назарда тутилган бошқа холатларда тугатилади.

28. “Балиқ ишлаб чиқарувчи” ЭИЗ худудида жойлаштириш учун инвестор томонидан ташкил этилган ташкилотни (кейинги ўринларда – Ташкилот) давлат рўйхатидан ўтказиш қонун хужжатларида юридик шахсларни давлат рўйхатидан ўтказиш учун белгиланган тартибда амалга оширилади.

29. Ташкилот давлат рўйхатидан ўтказилгандан кейин инвестор томонидан Дирекцияга қўйидаги хужжатлар тақдим этилади:

Ташкилотнинг давлат рўйхатидан ўтказилганлиги тўғрисида гувоҳнома нусхаси;

“Балиқ ишлаб чиқарувчи” ЭИЗ қатнашчиси сифатида рўйхатдан ўтказиш учун тўлов тўланганлигини тасдиқловчи хужжат.

30. Дирекция ушбу Низомнинг 29-бандида кўрсатилган хужжатлар олинган кундан бошлаб икки иш куни мобайнида Ташкилотни “Балиқ ишлаб чиқарувчи” ЭИЗ қатнашчиси сифатида рўйхатдан ўтказади ва белгиланган шакл бўйича “Балиқ ишлаб чиқарувчи” ЭИЗ қатнашчиси гувоҳномасини беради.

31. Дирекция Ташкилот “Балиқ ишлаб чиқарувчи” ЭИЗ қатнашчиси сифатида рўйхатдан ўтказилган кундан бошлаб бир иш куни ичida хўжалик юритувчи субъект жойлашган жойдаги давлат солиқ ва божхона хизмати органларини хабардор қилади.

32. Дирекция Ташкилот “Балиқ ишлаб чиқарувчи” ЭИЗ қатнашчиси сифатида рўйхатдан ўтказилган кундан бошлаб бир иш куни ичida барча зарур хужжатларни Ташкилотга ер участкаси ажратиш учун тегишли вилоят ер тузиш ва қўчмас мулк кадастри бўйича давлат корхонасига беради.

6-боб. Яқунловчи қоидалар

33. Ташкилотни “Балиқ ишлаб чиқарувчи” ЭИЗ қатнашчиси мақомидан маҳрум қилиш ёки тўхтатиб туриш Республика кенгashi томонидан Маъмурий кенгаш ёки ваколатли ташкилотларнинг асосланган таклифлари асосида, белгиланган тартибда амалга оширилади.

34. Ташкилотни “Балиқ ишлаб чиқарувчи” ЭИЗ қатнашчиси мақомидан ихтиёрий тартибда маҳрум қилиш тўғрисидаги қарор Ташкилотнинг уни бундай мақомдан маҳрум қилиш тўғрисидаги аризасига кўра ёхуд у Ўзбекистон Республикаси қонун хужжатларига мувофиқ тугатилган тақдирда Маъмурий кенгаш томонидан қабул қилиниши мумкин.

“Балиқ ишлаб чиқарувчи” ЭИЗ қатнашчиси томонидан Ўзбекистон Республикаси қонун хужжатлари ва (ёки) инвестиция киритиш тўғрисида шартнома шартлари бузилиши юзасидан низо мавжуд бўлганда Ташкилотни “Балиқ ишлаб чиқарувчи” ЭИЗ қатнашчиси мақомидан маҳрум этиш суд тартибида амалга оширилади.

Дирекция “Балиқ ишлаб чиқарувчи” ЭИЗ қатнашчилари реестрига Ташкилотнинг қатнашчи мақомидан маҳрум этилганлиги тўғрисидаги суднинг карори кучга кирган санадан бошлаб уч иш кунида Ташкилотнинг “Балиқ ишлаб чиқарувчи” ЭИЗ қатнашчиси мақомидан маҳрум этилганлиги тўғрисидаги ёзувни киритади.

35. Дирекция “Балиқ ишлаб чиқарувчи” ЭИЗ қатнашчилари реестрига тегишли ёзув киритилган кундан бошлаб бир иш кунида давлат солиқ ва божхона органларини Ташкилотнинг “Балиқ ишлаб чиқарувчи” ЭИЗ қатнашчиси мақомидан маҳрум этилганлиги тўғрисида хабардор қиласи.

“Балиқ ишлаб чиқарувчи” эркин иқтисодий зонаси худудига жойлаштириш учун инвестиция лойихаларини танлаб олиш ҳамда қатнашчиларни рўйхатдан ўтказиш тартиби тўғрисидаги низомга 1-илова

“Балиқ ишлаб чиқарувчи” эркин иқтисодий зонаси худудига жойлаштириш учун инвестиция лойихаларини танлаб олиш ҳамда қатнашчиларни рўйхатдан ўтказиш схемаси

Масъул орган	Кўриб чиқилаётган масала	Кўриб чиқиши муддати
<p>“Балиқ ишлаб чиқарувчи” эркин иқтисодий зонаси худудида жойлаштириш учун инвестиция лойихаларини танлаб олиш</p>		
Дирекция	<p>“Балиқ ишлаб чиқарувчи” эркин иқтисодий зонаси худудига инвестиция лойихасини жойлаштириш бўйича инвестиция буюртманомасини кўриб чиқиши ва натижаси бўйича:</p> <p>Маъмурий кенгашга кўриб чиқиши учун киритиш; камчиликлар аниқланган тақдирда инвесторга қайтариш.</p>	2 иш куни
Маъмурий кенгаш	<p>Инвестиция буюртманомасини кўриб чиқиши ва қўйидаги мазмундаги қарорлардан бирини қабул килиш:</p> <p>инвесторга “Балиқ ишлаб чиқарувчи” ЭИЗ қатнашчиси мақомини бериш, сунъий сув ҳавзаси, ер участкаси, бино, иншоотлар, ишлаб чиқариш қувватларини ажратиб бериш, уларнинг умумий майдони ва жойлашган жойини кўрсатган ҳолда “Балиқ ишлаб чиқарувчи” ЭИЗ худудида инвестиция лойихасини жойлаштириш тўғрисида;</p> <p>камчиликларни кўрсатган ҳолда тақдим этилган хужжатларни такомиллаштириш зарурлиги тўғрисида;</p> <p>“Балиқ ишлаб чиқарувчи” ЭИЗ худудида инвестиция лойихасини амалга оширишнинг мақсадга мувофиқ эмаслиги тўғрисида.</p> <p>Киймати эквивалентда 5,0 млн. АҚШ долларидан юқори бўлган инвестиция лойихаларини кўриб чиқиши натижаси бўйича карорни келишиш учун Республика кенгашига киртиш.</p>	5 иш куни
Республика кенгashi	Киймати эквивалентда 5,0 млн. АҚШ долларидан юқори бўлган инвестиция лойихаларини кўриб чиқиши ва келишиш (рад этиш).	2 иш куни
Дирекция	Маъмурий кенгаш мажлиси баёнидан кўчирмани инвесторга ёки унинг ваколатли шахсига юбориш.	7 иш куни
		1 иш куни

**“Балиқ ишлаб чиқарувчи” эркин иқтисодий зонаси қатнашчиларини
рўйхатга олиш (қайта рўйхатдан ўтказиш)**

Дирекция
ва инвестор

Инвестиция киритиш тўғрисида шартнома тузиш.

Томонлар
келишувига кўра

Дирекция

Тадбиркорлик субъектини “Балиқ ишлаб чиқарувчи” эркин иқтисодий зонаси қатнашчиси сифатида рўйхатдан ўтказиш ва гувохнома бериш.

Белгиланган хужжатлар тўлиқ тақдим этилган кундан бошлаб 2 иш кунда

Дирекция

Тадбиркорлик субъекти жойлашган жойдаги давлат солиқ ва божхона хизмати органларини хабардор килиш.

Барча зарур хужжатларни тадбиркорлик субъектига ер участкаси ажратиш учун тегишли вилоят ер тузиш ва қўчмас мулк кадастри бўйича давлат корхонасига бериш.

Тадбиркорлик субъекти
ЭИЗ қатнашчиси
сифатида
рўйхатдан
ўтказилган
кундан бошлаб
1 иш кунида

“Балиқишлибчиқарувчи” эркин иқтисодий зонаси
худудига жойлаштириш учун инвестиция
лойиҳаларини танлаб олиш ҳамда қатнашчиларни
рўйхатдан ўтказиш тартиби тўғрисида низомга
2-илова

“Балиқ ишлаб чиқарувчи”
эркин иқтисодий зонаси дирекциясига

“Балиқ ишлаб чиқарувчи” эркин иқтисодий зонаси худудига
инвестиция лойиҳасини жойлаштириш учун инвестиция
БУЮРТМАНОМАСИ

1. Инвестор (инвесторлар) тўғрисида маълумотлар

Мурожаатчи (инвестор ёки инвесторлар) ташкилотнинг номи, келиб чиқсан давлати	
Инвестор (ёкинвесторлар) тўғрисида маълумот, жумладан давлат рўйхатидан ўтган санаси ва жойи, муассис(лар) ва бошқалар	
Юридик шахснинг ташкилий-хукукий шакли, муассисларнинг устав фондидаги улушининг тақсимланиши ва капитал кўйилмаларнинг шакли	
Мурожаатчи ташкилотнинг юридик манзили	

2. Инвестиция лойиҳаси тўғрисида маълумотлар

Инвестиция лойиҳасининг номи	
Инвестиция лойиҳасининг мақсади ва кискача тавсифи, жумладан ишлаб чиқаришнинг йиллик қуввати	
Ижарага бериладиган умумий сув ҳавзаси майдонининг камида 10 фоиз қисмида интенсив усулда балиқ етиштиришга мослаштириш ва ушбу майдоннинг ҳар бир гектаридан 8 тоннадан кам бўлмаган ҳосилдорликка эришиш	
Ёпик сув айланма тизими иншооти (УЗВ) куриш ва ҳар бир гектардан камида 300 тонна балиқ етиштиришни ташкил этиш	
Сув тармоғи дренаж тизимларининг яхлитлигини сақлаб қолиши ва умумий фойдаланишда бўлишини таъминлаш	
Юқори маҳсулдор наслли она балиқлар тўдаларини шакллантириш	
Ташкилотнинг эҳтиёжи учун талаб этиладиган юқори оқсилга бой озука базасини шакллантириш	
Ишлаб чиқариладиган маҳсулотнинг номи, кўлланилиши ва асосий белгилари	
Маҳсулотнинг ўртача йиллик ишлаб чиқариш ҳажми, экспортга ва ички бозорга йўналтириладиган ҳажмини (натура кўринишида ва экв. АҚШ долларида) ҳисобга олган ҳолда	
Асосий хомашё ва материал (маҳаллий ва импорт), уларнинг тайёр маҳсулотдаги улуши, фоиз ҳисобида	
Хомашё ва материалларга бўлган йиллик талаб (экв. АҚШ долларида), шу жумладан маҳаллий ва импорт	
Маҳсулот стандартлари – ГОСТ, ОСТ, ТУ, O'zDst, ISO 9001 ва ISO 14001 ва бошқалар	
Ишлаб чиқаришнинг бошланиш санаси	

Ташкил этилаётган иш ўринлари, жумладан, махаллий ишчи ходимлар	
---	--

3. Зарур майдон ва инфратузилмалар тўғрисида маълумотлар

Балиқ етишириш учун талаб этиладиган сув ҳавзаси майдони (га):	
шу жумладан интенсив усулда (га)	
Ёпиқ сув айланма тизимида (УЗВ) балиқ етишириш учун талаб этиладиган майдон (га)	
Наслли она балиқлар тўдасини шакллантириш учун талаб этиладиган сув ҳавзаси майдони (га)	
Наслли балиқ чавоқларини етишириш мақсадида репродуктор ҳавза ташкил этиш учун талаб этиладиган майдон (га)	
Инкубация цехини ташкил этиш учун талаб этиладиган майдон (га)	
Балиқни қайта ишлаш ва тайёр маҳсулот ишлаб чиқариш учун талаб этиладиган майдон (кв.м.)	
Балиқлар учун оқсилга бой омухта ем ишлаб чиқариш учун талаб этиладиган майдон (кв.м.)	
Электр энергияга бўлган талаб (йилига кВт/соат), ўрнатиладиган қувват (кВт ёки МВт)	
Табиий газга бўлган талаб (йилига куб.м.), босим (атм.)	
Қайта ишлаш ва ишлаб чиқариш учун ичимлик ва техник сувга бўлган талаб (йилига куб.м.)	
Балиқ етишириладиган сув ҳавзаси учун сувга бўлган талаб (йилига куб.м.)	

4. Лойиҳанинг молиявий-иқтисодий кўрсаткичлари

Лойиҳанинг қиймати (экв.АҚШдолларида)	
Молиялаштириш манбалари (тўғридан-тўғри инвестициялар, махаллий муассисларнинг маблағлари, тижорат банклари кредитлари)	
Машина, тирик балиқ ташиб транспорти, мелиорация ишларини бажрувчи техника ва асбоб-ускуналар қиймати (экв. АҚШ долларида), жумладан маҳаллий ва импорт	
ҚМИ қиймати (экв.АҚШдолларида)	
Айланма маблағлар суммаси (экв. АҚШ долларида)	
Инвестицияларни киритиш шакли ва жадвали	
Лойиҳанинг қопланиш муддати (бизнес-режага мувофиқ)	

Изоҳ. Импорт қилинаётган хомашё, материаллар ва бутловчи қисмларнинг валютадаги қиймати божхона тўловлари билан бирга ҳисобланади. Маҳаллий етказиб берувчилардан олинган импорт хомашё маҳаллий ҳисобланмайди.

М.Ў.Рахбар

(имзо)

(Ф.И.О.)

(санаси)

Вазирлар Маҳкамасининг
2018 йил “20” августдаги 677-сон қарорига
4-илова

**“Балиқ ишлаб чиқарувчи” эркин иқтисодий зонаси таркибидаги
ер майдонининг чегара ҳудудлари тавсифи**

Тошкент вилояти, Куйи Чирчик тумани, “Балиқчи” маҳалла фуқаролар йигини
худудидаги ер майдонлари:

шимол томондан – “Ogonyok” масъулияти чекланган жамияти ерлари;
шарқий томондан – Эски Тошкент канали;
ғарбий томондан – Сирдарё дарёси муҳофаза минтақаси ерлари;
жанубий томондан – Сирдарё дарёси муҳофаза минтақаси ерлари.

Ер харитасига кўра чегарадош ҳудудлар қуидагича изоҳланади:

А дан Б гача – “Ogonyok” масъулияти чекланган жамияти ерлари;
Б дан В гача – “Абдугани ота сулоласи” хусусий корхонаси;
В дан Г гача – Абай номли массив;
Г дан Д гача – Юлдуз номли массив;
Д дан Е гача – Ужакент номли массив;
Е дан Ж гача – Дўстлик номли массив;
Ж дан З гача – Сирдарё муҳофаза минтақаси ерлари 3 участкаси;
З дан И гача – Сирдарё вилояти;
И дан К гача – Сирдарё муҳофаза минтақаси ерлари 2 участкаси;
К дан Л гача – Сирдарё вилояти;
Л дан А гача – Сирдарё муҳофаза минтақаси ерлари 1 участкаси.

“Балиқ ишлаб чиқарувчи” эркин иқтисодий зонаси таркибидаги
чегара ҳудудлари тавсифига киритилган жами ер майдони 3054,6 гектарни ташкил
этади.

